

Est et alius modus loquendi in quo particula *kapsin* sociatur cum particula *kaa*. Formulæ latinis indeterminatis *propter aliquam rationem; aliqua de causa; alicuius finis gratia*, et similibus æquivalet formula *ksanka kaas kapsins*.

Ut concludamus ea quæ pertinent ad particulam *kaa*, animadversio facienda est. Diximus particulam *kaa* attingere quinque ex generibus supremis sub significatione pronominum *quodnam, aliquod, quodcumque*. Verum perperam quis inde inferret, solummodo particulam *kaa* attingere, sub significatione horum pronominum, illas quinque categorias. Et enim, quamvis una particula *kaa*, sub significatione pronominis *quodnam*, attingat illas categorias; attamen sub significatione pronominis *quodcumque*, et præsertim sub significatione pronominis *aliquod* plures aliæ particulae et verba illas categorias attingunt. Confer ea quæ superius dicta sunt de pronomine indefinito, *aliquid, aliquantum, aliquot, quilibet*, etc.

Sed præcipue animadversio facienda est circa categorias loci ac temporis. Particula *kaa*, una cum quibusdam verbis vel adverbiiis loci vel temporis, significat *alicubi, aliquo, aliquando*; verum est alia particula, quæ ex se et ratione sui idem significat, eaque est particula *ko*. Particula *ko*, non composita cum verbo, est pronomen demonstrativum, vel æquivalet adverbiiis *ibi, illic, tunc* etc. In compositione vero cum verbo, particula *ko* æquivalet adverbiiis *alicubi, aliquo, aliquando*. Quod si verbum sit negativum, particula *ko* sub negatione significat *nullibi, nusquam, nunquam*. Ukalwini *kun-ko-kanage, volo ire aliquo; ka-ko-kakasugomik, nunquam, habuit terminum*. Hoc ultimum verbum dici potest de aeternitate, quæ non habuit terminum a parte ante, neque habebit a parte post.

DE QUIBUSDAM PARTICULIS QUÆ VERBUM

COMITANTUR

Agentibus nobis de usu formarum verbalium aliquæ occurrerunt particulae, quæ cum verbis coniunguntur, quarum vim significativam explicavimus. Verum sunt et aliæ particulae, quæ